



Broj: 10/E-11-7262/24  
Sarajevo, 24-12-2024 . godine

Na osnovu člana 69. stav (2) tačka d) i člana 70. stav (1), (4) i (6) („Službeni glasnik BiH”, broj 39/14, 59/22 i 50/24) i člana 69. Statuta Općine Centar Sarajevo - Prečišćeni tekst („Službene novine Kantona Sarajevo”, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-237/24 od 25.03.2024. godine, (u daljem tekstu: Komisija II), u postupku javne nabavke: Usluge pranja i vulkanizerske usluge (Zapisnik o pregledu i ocjeni ponuda broj: 10/E-11-7262/24 od 17.12.2024. godine), Općinski načelnik donosi

### **O D L U K U** **o poništenju postupka javne nabavke**

- I** Poništava se postupak javne nabavke: Usluge pranja i vulkanizerske usluge, putem konkurentskog zahtjeva za dostavu ponuda, Obavještenje o nabavci 848-7-2-143-3-232/24 od 2.12.2024. godine, iz razloga što nijedna od primljenih ponuda nije prihvatljiva.
- II** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- III** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **O b r a z l o ž e n j e**

Postupak za javnu nabavku: Usluge pranja i vulkanizerske usluge, pokrenut je Odlukom Općinskog načelnika o pokretanju postupka broj: 10/E-11-7262/24 od 29.11.2024. godine, putem konkurentskog zahtjeva za dostavu ponuda. Obavještenje o nabavci 848-7-2-143-3-232/24 od 2.12.2024. godine objavljeno je na Portal javnih nabavke ([www.ejn.gov.ba](http://www.ejn.gov.ba)). Procijenjena vrijednost javne nabavke iznosi **6.000,00 KM** bez PDV-a.

U roku za predaju ponuda koji je određenom tenderskom dokumentacijom (16.12.2024. godine do 11:00 sati), na adresu Ugovornog organa primljena je 1 (jedna) ponuda dostavljena od ponuđača TAMEK-SON Company” d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude i nakon što je utvrđena urednost i blagovremenost dostave, pročitana je cijena ponuda, u skladu sa kriterijem za dodjelu ugovora „najniža cijena”, kako sljede:

R/b	Ponuđač	Ukupna cijena bez PDV-a (zbir jediničnih cijena)	Ukupna cijena bez PDV-a (zbir jediničnih cijena)
1.	“TAMEK-SON Company” d.o.o. Sarajevo	300,00	351,00

Nakon izvršenog javnog otvaranja ponude, na zatvorenom sastanku Komisija II je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Tim povodom Komisija II je pregledom i analizom pristigle ponude ustanovila da ponuđač "TAMEK-SON Company" d.o.o. Sarajevo ponudu nije uvezao u skladu sa zahtjevom iz tenderske dokumentacije. Ponuda je uvezana spiralnim uvezom, ali nije dodatno osigurana jamstvenikom čija je svrha izbjegavanja manipulisanja stranicama ponude kao i očuvanja njenog integriteta.

Poglavljem 8.1. PRIPREMA PONUDE, tačkom 8.1.4. tenderske dokumentacije, između ostalog, propisano je *da se ponuda čvrsto uvezuje na način da se onemogući naknadno vađenje ili umetanje listova.*

*Pod čvrstim uvezom se podrazumijeva da **ponude moraju biti uvezane/ukorčene u knjigu ili da ponuda bude uvezana u fasciklu sa metalnim mehanizmom ili uvezana spiralnim uvezom i uz to osigurana jamstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom ponuđača, a u svrhu izbjegavanja manipulisanja stranicama ponude.***

Također stranice ponude nisu numerisane u skladu sa zahtjevom iz tačke 8.1.6. tenderske dokumentacije.

Tačkom 8.1.6. tenderske dokumentacije, između ostalog, propisano je da **sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponude.**

**Ukoliko ponuda ne bude čvrsto uvezana i numerisana na gore navedeni način ista će se smatrati neprihvatljivom i bit će odbačena iz daljeg postupka nabavke.**

*Izuzetno, ponuda neće biti odbačena ukoliko su listovi ponude numerisani na način da je obezbijeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji.*

Brojevi na stranicama pristigle ponude ponuđača "TAMEK-SON Company" d.o.o. Sarajevo su zapravo brojevi kojim je numerisana tenderska dokumentacija, odnosno izjave/aneksi, koje je ponuđač preuzeo sa Portala javnih nabavki i kao takve popunio i dostavio u ponudi.

Dalje je Komisija II u Zapisniku o pregledu i ocjeni ponuda broj: 10/E-11-7262/24 od 17.12.2024. godine konstatovala da je ponuđač u ponudi dostavio Izjavu o ispunjenosti uslova iz člana 45. stav (1) tačke od a) do d) Zakona o javnim nabavkama (**Aneks 3.**) i Izjavu iz člana 52. Zakona o javnim nabavkama (**Aneks 4.**), kako je određeno tenderskom dokumentacijom. Izjave su potpisane, sa upisanim podacima o mjestu i datumu davanja istih.

Međutim, Komisija II je ustanovila da nijedna od navedenih izjava ne sadrži potpis i pečat nadležnog organa (*organ uprave, sud ili notar*), iako je za tu namjenu označeno mjesto u obrascima Aneks 3. i Aneks 4.

U Zapisniku o pregledu i ocjeni ponuda 10/E-11-7262/24 od 17.12.2024. godine Komisija II navodi da je članom 45. stav (4) Zakona o javnim nabavkama propisano:

***„Kandidat/ponuđač, u svrhu dokaza o ispunjavanju uslova iz stava (1) ovog člana, dužan je da dostavi izjavu ovjerenu kod nadležnog organa, u formi i na način koji propisuje Agencija podzakonskim aktom.“***

Članom 52. stav (10) Zakona o javnim nabavkama propisao je:

***„Svaki kandidat/ponuđač dužan je uz ponudu dostaviti i posebnu pisanu izjavu ovjerenu kod nadležnog organa da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci.“***

U konkretnoj primjeni ovih odredbi, svaki kandidat/ponuđač dužan je uz ponudu dostaviti posebnu pisanu izjavu **ovjerenu kod nadležnog organa**, u kojoj izjavljuje da nije pravomoćno osuđen za krivična djela organizovanog kriminala, korupcije, prevare ili pranja novca; da nije pod stečajem ili da nije predmetom stečajnog postupka, ili predmetom likvidacijskog postupka; da nije propustio ispuniti obaveze u vezi s plaćanjem penzionog i

invalidskog osiguranja, te da nije propustio ispuniti obaveze u vezi s plaćanjem direktnih i indirektnih poreza u skladu sa propisima u BiH, te dostaviti posebnu izjavu **ovjerenu kod nadležnog organa** da nije nudio mito niti učestvovao u bilo kakvim radnjama koje imaju za cilj korupciju u predmetnoj javnoj nabavci, čija forma je propisana od strane Agencije za javne nabavke BiH.

Uputstvom za pripremu modela tenderske dokumentacije i ponuda („Službeni glasnik BiH, broj 90/14 i 20/15) propisana je forma izjave iz člana 45. i 52. Zakona o javnim nabavkama.

Kako se radi o izričitoj zakonskoj normi koja nalaže ovjeru izjava kod nadležnog organa, Komisija II je zaključila da ne postoji potvrda da je tačno određena osoba svojeručno potpisala izjavu odnosno priznala svoj potpis dostavljenom dokumentu/izjavi.

Štoviše, u konkretnom slučaju lice koje je potpisalo izjave iz Aneksa 3. i Aneksa 4. tenderske dokumentacije nije upisano u sudski registar ponuđača odnosno privrednog društva kao lice koje je ovlašteno da isto zastupa i predstavlja, niti je ponuđač u ponudi dostavio posebno ovlaštenje da je lice koje je potpisalo navedene izjave ovlašteno za takve radnje.

I druge dokumente, Obrazac za ponudu (Aneks 1), Obrazac za cijenu ponude (Aneks 2.) i Izjavu iz Aneksa 5., koji su sastavni ponude, potpisalo je lice za koje u ponudi ne postoji dokaz da je ovlašteno lice ponuđača, zbog čega se iste nisu mogle prihvatiti kao ispravne.

U poglavlju 8.2. SADRŽAJ PONUDE, ispod tačke 8.2.3. tenderske dokumentacije stoji napomena u kojoj se, između ostalog, navodi:

**• Ponuđači su dužni u ponudi dostaviti i ovjerenu kopiju ovlaštenja za potpisivanje, ukoliko ovlaštene osobe za zastupanje ponuđača nisu navedene u Aktuelnom izvodu iz sudskog registra kao lica ovlaštena za zastupanje subjekta upisa.**

Ponuđač je propustio u Obrascu za ponudu (Aneks 1.) na određeno mjesto popisati dostavljene dokumenta, izjave i obrasce za nazivima istih.

Tačkom 8.1.1. tenderske dokumentacije propisano da su ponuđači obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa tenderskom dokumentacijom će biti odbačene kao neprihvatljive, u skladu sa članom 68. Zakona o javnim nabavkama.

Članom 57. stav (1) Zakona o javnim nabavkama propisano je da su u postupku javne nabavke kandidat/ponuđač pridržava zahtjeva i uslova iz tenderske dokumentacije.

Slijedom svega navedenog Komisija II je ponudu ponuđača "TAMEK-SON Company" d.o.o. Sarajevo ocijenjena neprihvatljivom, te je odbacila u skladu sa članom 68. stav (4) tačka i) Zakona o javnim nabavkama jer ne ispunjava zahtjeve iz tenderske dokumentacije.

Članom 68. stav (4) tačka i) Zakona o javnim nabavkama zakonodavac je propisao da je ugovorni organ dužan odbaciti zahtjev za učešće ili ponudu u slučaju kada ponuda nije potpuna i ne ispunjava zahtjeve iz tenderske dokumentacije, a članom 69. stav (2) tačka d) istog Zakona je propisno da je ugovorni organ obavezan da poništi postupak javne nabavke u slučaju da nijedna od primljenih ponuda nije prihvatljiva.

U skladu sa naprijed utvrđenim Komisija II je putem javnog glasanja jednoglasno donijela odluku da Općinskom načelniku dostavi prijedlog da u skladu sa članom 69. stav (2) tačka d) Zakona o javnim nabavkama donese odluku o poništenju postupka javne nabavke.

Općinski načelnik je saglasan sa prijedlogom Komisije II koja je u postupku pregleda i ocjene ponude postupala u skladu sa Zakonom o javnim nabavkama, podzakonskim propisima i tenderskom dokumentacijom za predmetu nabavku.

Iz navedenih razloga, primjenom člana 69. stav (2) tačka d) Zakona o javnim nabavkama („Službeni glasnik BiH", broj 39/14, 59/22 i 50/24), Općinski načelnik je donio odluku kao u dispozitivu.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda  
broj: 10/E-11-7262/24 od 17.12.2024. godine

**Dostaviti:**

1. Ponuđač: "TAMEK-SON Company" d.o.o. Sarajevo  
ulica Drinska broj 164, 71000 Sarajevo
2. Službi za zajedničke i tehničke poslove
3. Kabinetu općinskog načelnika – Odsjek za javne nabavke
4. Službi za finansije
5. U spis